

# ხ ე ლ შ ე კ რ უ ლ ე ბ ა

სახელმწიფო შესყიდვის შესახებ №2  
CPV-79212000 - აუდიტორული მომსახურება

ქ. თბილისი

15/02/2019წ.

ერთის მხრივ, საჯარო სამართლის იურიდიული პირი - შემოქმედებითი საქართველო (შემდგომში „შემსყიდველი“), წარმოდგენილი მისი დირექტორის ანა რიაბოშენკოს სახით და მეორეს მხრივ შპს „აუდიტ + 2010“ წარმოდგენილი მისი დირექტორის მარიამ ჭურაძის (სარეგისტრაციო ნომრით: SARAS-F-490713) სახით (შემდგომში „მიმწოდებელი“), ხოლო ორივე ერთად შემდგომში წოდებული როგორც მხარეები, ვხელმძღვანელობთ რა „სახელმწიფოს შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების, მე-2 მუხლის „ა“ ქვეპუნქტის და საქართველოში მოქმედი კანონმდებლობით, გამარტივებული შესყიდვის საშუალებით ვდებთ სახელმწიფო შესყიდვის შესახებ ხელშეკრულებას შემდეგზე:

## 1. გამოყენებულ ტერმინთა განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.3 „დღე“, „კვირა“, „თვე“ – კალენდარული დღე ან/და სამუშაო დღე, კალენდარული კვირა, კალენდარული თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

## 2. ხელშეკრულების საგანი

- 2.1 სსიპ - შემოქმედებითი საქართველოს მიერ CPV-79212000 - აუდიტორული მომსახურების შესყიდვა, სადაც უნდა განხორციელდეს:  
შემოქმედებითი ევროპის დესკის მიერ, 2018 წელს გაწეული ხარჯების ფინანსური აუდიტის ჩატარება.

### 3. ხელშეკრულების ღირებულება

- 3.1 შესყიდვის ობიექტის ფასი განისაზღვრება ეროვნულ ვალუტაში, ლარში.
- 3.2 ხელშეკრულების საერთო ღირებულება შეადგენს **3 500 (სამიათას ხუთასი)** ლარს.
- 3.3 ხელშეკრულების ფასი მოიცავს საქართველოს კანონმდებლობით გათვალისწინებულ ყველა გადასახადს.

### 4. მხარეთა ვალდებულებები და პასუხისმგებლობა

- 4.1 მიმწოდებელი იღებს ვალდებულებას გაუწიოს შემსყიდველს ხელშეკრულების 2.2 პუნქტით განსაზღვრული მომსახურება ხელშეკრულების პირობების შესაბამისად.
- 4.2 მიმწოდებლის მიერ გაწეული მომსახურება უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არ არსებობის შემთხვევაში შესყიდვის განხორციელების მიზნის შესაბამის ხარისხს.
- 4.3 მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა კითხვაზე.
- 4.4 მიმწოდებელი ვალდებულია დაუყონებლივ გამოასწოროს შემსყიდველის მიერ აღმოჩენილი ხარვეზი.
- 4.5 შემსყიდველი ვალდებულია აუნაზღაუროს მიმწოდებელს ხელშეკრულების ფასი, ხელშეკრულებით გათვალისწინებული ოდენობისა და ფორმის შესაბამისად.
- 4.6 მომსახურების გაწევის ვადის გადაცილების შემთხვევაში მიმწოდებელს შემსყიდველის სასარგებლოდ დაეკისრება პირგასამტეხლოს გადახდა ხელშეკრულების საერთო ღირებულების 0.02%-ის ოდენობით, ყოველ გადაცილებულ დღეზე.
- 4.7 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულების შეუსრულებლობის ან არაჯეროვანი შესრულების შემთხვევაში, მიმწოდებელს დააკისროს ჯარიმა ხელშეკრულების საერთო ღირებულების 2%-ის ოდენობით.

### 5. შესყიდვის ობიექტის მიწოდების წესი, ვადები და ადგილი

- 5.1 მიმწოდებელმა შემსყიდველის სასარგებლოდ ამ მუხლით განსაზღვრულ ვადაში და ადგილზე უნდა განახორციელოს წინამდებარე ხელშეკრულებით გათვალისწინებული მომსახურება.
- 5.2 მომსახურება გაწეულად ჩაითვლება მხარეთა მიერ შესაბამისი დოკუმენტაციის (მიღება-ჩაბარების აქტი, ან/და საგადასახადო ანგარიშ-ფაქტურა ან/და სხვა...) სრული მოცულობით გაფორმების შემდეგ.
- 5.3 მომსახურების გაწევა განხორციელდება ხელშეკრულების გაფორმებიდან **2019 წლის 26 თებერვლის ჩათვლით**.
- 5.4 მომსახურების გაწევის ადგილია: ქ. თბილისი, ვ. დოლიძის ქ. კორპ №28.

### 6. ანგარიშსწორების ფორმა, წყარო და ვადები

- 6.1 ანგარიშსწორება განხორციელდება უნაღდო ანგარიშსწორებით.
- 6.2 ანგარიშსწორების წყაროს წარმოადგენს **სახელმწიფო ბიუჯეტი, 2019 წლის შესაბამისი ასიგნებების ფარგლებში**.
- 6.3 შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ღირებულება ამ ხელშეკრულებით გათვალისწინებული შესაბამისი დოკუმენტის (მომსახურების გაწევის შესახებ მიღება-ჩაბარების აქტი) გაფორმების შემდეგ **10 სამუშაო დღის ვადაში**.

## 7. ხელშეკრულების ინსპექტირების პირობები

7.1 შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 ხელშეკრულების ინსპექტირებას შემსყიდველის მხრიდან განახორციელებს სსიპ – შემოქმედებითი საქართველოს, შემოქმედებითი ევროპის დესკის ხელმძღვანელი ქეთევან შენგელია.

7.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

7.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს გაწეული მომსახურების მხარეთა მიერ შეთანხმებულ ხარისხთან, ხოლო ასეთი შეთანხმების არარსებობის შემთხვევაში საერთაშორისო და საქართველოში არსებულ ხარისხის სტანდარტებთან შესაბამისობის კონტროლი.

7.5 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით ფორმით აცნობებს მიმწოდებელს წუნდების მიზეზების მითითებით.

7.6 იმ შემთხვევაში, თუ შემოწმების შედეგად დადგინდება გაწეული მომსახურების ხარისხის შეუსაბამობა ამ მუხლით გათვალისწინებულ სტანდარტებთან, მიმწოდებელი ვალდებულია გამოასწოროს წუნი გონივრულობის ფარგლების გათვალისწინებით უმოკლეს ვადაში.

## 8. ხელშეკრულების შეწყვეტა

8.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების ნაწილობრივ, ჯეროვან ან სრულად შესრულებას ან საქართველოს კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

8.2 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

8.3 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

8.4 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

8.5 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

8.6 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) გაწეულ მომსახურებაზე. ასეთ შემთხვევაში თავისუფლდება ხელშეკრულების ღირებულების გადახდის ვალდებულებისგან.

## 9. ფორს-მაჟორი

9.1 მხარეები თავისუფლდებიან წინამდებარე ხელშეკრულებით გათვალისწინებული პასუხისმგებლობისაგან, როდესაც ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობის არსებობით.

9.2 ფორს-მაჟორულ მდგომარეობად ითვლება წინასწარ განუსაზღვრელი ნებისმიერი გარემოების არსებობა, რომელიც მხარისგან დამოუკიდებელი მიზეზის გამო წარმოადგენს

დაუძლეველ ძალას (სტიქიური უბედურება, საომარი ან საგანგებო მდგომარეობა, ეპიდემია, კარანტინი და სხვა) და შეუძლებელს ხდის მის მიერ ნაკისრი ვალდებულების შესრულებას.

9.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ არაუგვიანეს 10 კალენდარული დღისა. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4 მხარეების მიერ ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოების ლიკვიდაციამდე.

## **10. ხელშეკრულების მოქმედების ვადა**

10.1 ხელშეკრულება ძალაში შედის მხარეთა მიერ მისი ხელის მოწერის დღიდან და მოქმედებს **2019 წლის 01 აპრილის** ჩათვლით.

## **11. შესყიდვის ობიექტის მიღება-ჩაბარების წესი და გარანტია**

11.1. მომსახურების გაწევა დასტურდება მხარეთა უფლებამოსილი წარმომადგენლების მიერ ხელმოწერილი, კანონმდებლობით დადგენილი შესაბამისი დოკუმენტაციის (მიღება-ჩაბარების აქტი) გაფორმებით.

11.2 მიმწოდებელი პასუხს აგებს გაწეული მომსახურების ხარისხზე და იძლევა გარანტიას, რომ იქნება მაღალი ხარისხის და შესაბამისობაში იქნება მოქმედ სტანდარტებთან.

## **12. დავების გადაწყვეტის წესი**

12.1 მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

12.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს საერთო სასამართლოს.

## **13. დასკვნითი დებულებები.**

13.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2 ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული შეთანხმების საფუძველზე.

13.3 შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

13.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით

გათვალისწინებულ სხვა შემთხვევაში.

13.5 ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

***მხარეთა იურიდიული მისამართები და რეკვიზიტები:***

**შემსყიდველი:**

სსიპ შემოქმედებითი საქართველო  
მის: ქ. თბილისი, დოლიძის ქ. კორპ. №28  
ს/კ 204583842

დირექტორი:

ა. რიაზოშენკო \_\_\_\_\_

**მიმწოდებელი:**

შპს „აუდიტ + 2010“  
მის: ქ.თბილისი, გელოვანის გამზ. №2  
ს/კ: 406024760  
სს „საქართველოს ბანკი“  
ბანკის კოდი: BAGAGE22  
ა/ა GE54BG000000878998900

დირექტორი:

მ. ჭურაძე \_\_\_\_\_